

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

hodownik 2024
28. lětnik, 289. wudaće



Sewjerina

Wosrjedź oktobra móžachmy na wječornym njebju wosebity fenomen wobkedźbować. Z wóčkom samym bě wobkedźbowanje trochu ćežko, ale z pomocu wobrazu ze šmóratkom zda so njebjo naraz cyle pisane barbjene. Tutón fenomen mjenujemy sewjeriny (Nordlichter). Wot nazymy do nalěća su w regionach sewjerneho čopa na nócny njebju sewjeriny widzieć. Čim ćmowše je njebjo a wokolina, čim lěpje móžeš je wobkedźbować. Woni nastanu přez slónčne wětřiki (Sonnenwinde), kotrež so do atmosfery zadobuwaja. Slónčne wětřiki su elektrisce nabiwane dźělčki, kotrež, po tym zo so do atmosfery zadobyli, atomy w powětře k swěćenju přinjesu. Přeco husćišo móžeš je tež w Němskej wobkedźbować. Móža być čerwjene, zelene, druhdy pak tež módre abo fijałkojte. W Europje su sewjeriny wosebje w skandinawiskich krajach, potajkim w Norwogskej, Šwedskej, Finskej a Islandskej, widzieć. Hdyž su slónčne wětřiki pak mócne dosć, pokazaja so tež pola nas w Němskej. Prjedy hač so fenomen wědomostnje přepytowaše, zwjazowachu so sewjeriny husto z nordiskimi bohami, připowědženjom hroznych podawkow abo ze smjerću. Džensa pak wěmy, zo je to jenož přirodny zjaw.



žórto: <https://klexikon.zum.de/wiki/Polarlicht#:~:text=Das%20Polarlicht%20ist%20ein%20Leuchten,geladene%20Teilchen%20aus%20der%20Sonne>

- tekst: Jakub Barč, wobrazaj: Victoria Krječmanowa -





Žaba - policija - kopańca

Na rjanej srjedze w septembrje podachmy so na pućowanskim dnju z kolesom na puć. Najprjedy jědžechmy z Ralbic k Miłočanskej žabje. Při tym duješe nam wětrik napřečo. Tuž běchmy wolóženi, jako smědžachmy na přenju přestawku ze snědanju w Miłóćicach pozostać. Na městnje zhonichmy zajima-



wostki wo wosebitym kamjenju. Po tym wjedžeše naš puć dale přez Njebjelčicy do Kamjenca. Tam čakaše na policajskej staciji byrgarski policist André Kober na nas. Wón pokaza nam tamniši rewěr, utensilije zastojukow, małke jastwo a rozkładže, kak wšědny dzeń policistow wotběži. To bě woprawdźite dožiwnjenje a džakujemy so knjezej Koberej za dohlad do powołanja policista. Dale kolesowachmy k stadionej młodžiny, hdžež našich koparjow 8. a 9. lětnika při turněrje pohonjowachmy. K wobjedu džěše do hosćenca Star, hdžež sej dener, dūrüm a

pizzu zestodžeć dachmy. Po wobjedze kolesowachmy dale - cyle přědku zaso knjez Rjeda a na kóncu skupiny jědžeše knjeni Koberowa. Skónčnje mějachmy wětrik w chribjeće, tak zo dojedžechmy sej spěšnje zaso wróčo do Ralbic. Komputer na wodźidle pokaza na kóncu 40 kilometrow.


- tekst: rjadownja 6, fota: Jan Rjeda -





Regionalne powołanske wiki

Wutoru, dnja 1. oktobra 2024, wotměwachu so na našej Serbskej wyšej šuli w Ralbicach 2. regionalne powołanske wiki. Wustajerjo, kiž mějachu jich wustajenišća w sportowej hali a wonka, běchu z wokoliny a zwjetša samo Serbja. Woni poskićachu wjele zajimawostkow, kaž na přikład wjerćenje koła zboža z małymi a wulkimi mytami. Mjez druhim běchu to pisaki, bloki, šalka abo samo Łužiski monopoly. Šulerjo z nimale wšitkich wokolnych šulow přijědźechu na tutym dnju k nam do Ralbicy. Hdyž mějachmy prašenja, móžachmy so při infopoinće při zachodže sportoweje hale wobhonić. Tež mnoho workshopow a přednoškow móžachu




šulerjo dožiwić. Workshop z wosebitymi nawočemi pokaza zajimowanym wšelakore powołanja we wirtuelnym swěće. W dalšej rumnosći dachu so małe robotery z pomocu molowanja čary, na kotrejž jědźechu, programěrować. Přednošk wo finacielnym poradźowanju so tež derje wopyta. Lětsa mějachmy wosebitosć na našich powołanskich wikach: Wot 17 do 18 hodźin přewjedže so podijowa diskusija k temje "wučomnik přichoda". Moderaciju přewza Bogna Korjeńkowa wot MDR. Wobdźělnicy podijoweje diskusije běchu Marion Richter z džěłoweje agentury Budyšin, Alexander Welk z Němskeho centruma za astrofyziku, Uwe Richter, šulski nawoda wukubłanskeho centruma Budyšin, Tomáš Rječka, R & Z inowatiwna domjaca technika, Beno Mróz, MKH agrarne produkty Kulow kaž tež Ophelia Wjeselic a Jakob Metaš ze 10. lětnika. My šulerjo ze 9. lětnika mějachmy nadawk, přichadźace rjadownje postrowić a zawjesć, so wo parkowace awta starać, w kuchni pomhać abo při techniskich džěłach zapřimnyć. To wšitko so nam derje poradži a wjeselo wobradži. 2. regionalne powołanske wiki so potajkim derje poradźichu. Džakujemy so wšitkim pomocnikam: wučerjam, šulerjam a dalšim, bjez kotrychž njeby tute zarjadowanje móžne było. Wosebity džak wuprajamy knjezej Kliemankej, kiž běše organizator tutoho zarjadowanja.

- tekst: Jakub Barč, wobraz: Instagram - ralbicy_regionalerberufemarkt-




Hody nětk bliža so!

Namakaj 10 rozdželow!



žórto: www.raetseldino.de



Přejemy wšitkim šulerjam a šulerkam, wučerkam
a wučerjam, staršim, džědam a wowkam,
přistajenym w šuli kaž tež wšěm dalšim čitarjam
a čitarkam žohnowane a hnadypotne hody.



INFORMACIJE – TERMINY – WŠELČIZNY



2. hodownika

adwentny wolejbul w Rablicach

19. hodownika

8. lětnik - knižna premjera „Naša serbska kniha“

wot 23. hodownika

hodowne prózdniny

do 3. wulkeho rózka

zbytne wobrazy: www.pixabay.de